

ISLANDIA.

29

que Olaus asserit, in primis tempore brumali. Ex ossibus Piscium domos exstruunt, penuriâ lignorum. Contra
 Ionas, dicit hîc Templâ & domicilia exstare satis multa ex ligno, cespite, & saxis satis magnifica & sumptuosa. *Opera publica & privata.*
 Duos habet Insula Episcopatus Cathedrales, *Holam*, sub quo sunt Monasteria *Pingora*, *Remested*, *Modur*,
Munkeniere: *Scaholt* cui Monasteria subsunt *Videy*, *Pyrnebar*, *Kirckebar*, & *Skirda*. Ex Vellei huius tabulâ
 auctoris tamen scriptis intelligitur novem in ea esse Monasteria: & Templâ præterea trecenta viginti novem.
 Episcopi autem ex Academiâ *Hassnensi* eò mittuntur, quorum alter Boreali Insulâ parti præest, alter Meridio-
 nali. Ac uterque Gymnasium publicum ædibus adjunctum habet, in quo viginti quatuor pueros suo sumptu
 alere & erudire tenetur. Incolæ communi recto, victu & strato gaudent cum lumentis. In simplicitate sanctâ
 vitam agunt, cum nihil amplius quærant quàm quæ Natura concedit. Nam & Montes habent pro Oppidis, ut *Mores*.
 diximus, & fontes pro delitiis. Beata gens, cujus paupertati nemo invidet, & inde beator quod Christianismû
 acceperit. Sed Mercatores Angli & Dani quiescere gentem & suo contentam esse non sinunt. Nam ob pesca-
 guram evehendam, Insulam hanc frequentantes, cum mercibus omnigenis vitia quoque nostra invexerunt.
 Res majorum memorabiles carminibus celebrant, vel scopulis insculptas vindicant ab oblivione. Piscibus ut
 plurimum victitant, quibus quoque exsiccatis & contusis, tanquam in farinam reductis, loco panis in mensa *Vitus*.
 utuntur, lautiores autem pane bis cocto. Porus olim aqua, ditioribus lac: nunc autem fruges aliunde allatas
 huic miscere didicerunt; & simplicis undæ, postquam exteri cum iis negotiari cœperunt, oderunt haustum.
 Lubecenses enim, Hamburgenses, & Rostochienses quotannis hanc Insulam navibus suis frequentantes eò *Mercimonia*.
 deferunt farinam, panem, cerevisiam, malsum, vinum, pannos Anglicos, lintea, ferrum, chalybem, aurum,
 argentum, mulierum vittas & ligna in usum ædificiorum & navigiorum: exportant pro his pannum Islandi-
 cum (vulgò *vatman*) magnas sulphuris effossi moles, Pisces induratos, butyrum, sebum, vellera, ferarum pel-
 les, Vulpes, Falcones albos, Equos, & alia istiusmodi. Piscium hîc tanta copia, ut eorum strues altissimas sub
 dio concinnent, atque ita venum exponant, altitudine interdum ipsa ædium tecta superante. Tanta etiam
 butyri falsi copia, ut cistis odoratis recondant longitudine pedû quadraginta, altitudine 5, præter usitata dolia.
 Sed lubet Erasmi Michaëlis versus, quos habet lib. 3. rei Nauticæ de Islandiâ adicere:

*Ultima Parrhasias Islandia spectat in Arctos.
 Sub Caurû porrecta gradus: non divite tantum
 Leta solo, cum vel cæcis occlusa cavernis,
 Sulphurastava coquit mixtisq; extrudit arenis:
 Pabula vel letis pecori gratissima pratis
 Fundit, & oppletas investit gramine valles:
 At vicina etiam solidos cum littora pisces
 Nec numeris, nec mensurâ, certisve ferendos*

*Nominibus stipat, ratibusque immittere certat.
 Proventu siquidem vario cum excesserit, uno,
 Hoc vincit tamen, & cumulato Pisce redundat,
 Ausa opibus fortesque animis complexa colonos,
 Cujus & in Notios quæ pars jacet obvia ventos
 Aestuat æternis per aperta foramina flammis.
 Eructatque globos cinerum, trepidoque boatu,
 Hecla tonans intersparsâ pice Sydera lambit.*

D iij

BRITANNIA